

ILLVSTRIAC GENERO.
SO D. D. OCTAVIANO SECVNDO
FVGGERO, BARONI KIRCHBERGAE ET VVEISSEN-
horni, S. Cæs. Mai. à consiliis, Reipub. Augustanæ
Duumviro, Domino & Patrono suo summa
observantia honorando,
S. P.



*V*M, ILLVSTRIS ET GENEROSE BARO, MUSICÆ,
artis nunquam satis laudata, ea sit ratio, ut non in politicis tantum rebus
insignis eius usus appareat; sed maximè in sacris & Ecclesiasticis: jure in
illam non minus operæ, quam in ullam aliam disciplinam liberalem, confe-
rimus. Ac quantum ipsa communi vitæ serviat, neminem latet. Cernimus,
eos qui laboribus perfunguntur gravissimis, hos ipsos accinendo quippiam lenire. Convivia
quæcunq; grata & accepta haud existimantur, nisi harmoniâ sive organicâ sive hominum,
sive utraq; etiam conjunctâ ita illa temperentur, ut conviva, antea subtristes, extra se ve-
lut rapiantur hilaresq; reddantur. Quanta verò eius vis sit in Ecclesia: cum sacra litera nos
docet, tû ipsa experiëntia. Sumus enim naturâ segniores ad virtutis studiû: cujus præcepta ut
aliud quasi agentibus instillarētur: divina providentia hoc velut remedium esse voluit, quo
ad sacra perdisoenda homines invitarentur. Hinc psalmodiæ, hinc hymni: quibus par-
tim erudimur, partim Deum omnis boni autorem celebramus. Qua de causa Liturgiæ
quoq; instituta sunt, sive (ut verius dicam) id genus cantica, quæ in illarum administra-
tione adhibentur, ut cœlestis illius Musica sit in nobis accenderent. Quod genus Li-
turgica melodemata ut & componerem, & in lucem ederem; persuaderi mihi sum passus:
quibus ne patrociniû deforet, ea Illustri Generositati Tuæ consecrare volui. Eius me cau-
sas adferre, vix necessarium arbitror. Norunt enim hic quàm plurimî, quæ Illustris
G. Tuæ propensa voluntas, qui ardens sit amor in pium illum Musica usum: norunt, quæ
ab annis jam quatuordecim eiusdem Ill. G. T. in me, artis illius divine studiosum, be-
neficia extent. Ut igitur aliquod animi grati ostenderem indicium; hos Liturgiæ mod-
os sub Illustris G. Tuæ nomine publicavi: quos eo velim animo excipiat, quo me hacten-
us complecti non est dedignata. Illustris G. T. benè valeat, cuius in clientelam me com-
mendo. Augusta Vind: Calend. Septemb. Anno M. D. IC.

Illustris G. T. observantis.

eisdemq; deditis: servus

Ioann: Leo Hasler.